

六八九・史部・地理類

〔嘉慶〕松江府志八十四卷首二卷圖經一卷（卷五十六至卷八十四）〔清〕宋如林修

孫星衍 莫 晉纂

2643/9

松江府志卷五十六

古今人傳八

國朝

張安茂字子美青浦人以誠第三子順治四年進士授工部主事戊子分校北闕所得皆知名士鍾陵熊伯龍與焉出管清江縹緲兼七省漕儲時漕政積敝軍弁互為奸利安茂悉裁一切陋規八年春兼理鹽政晉工部員外郎陞浙江按察司僉事提督學政與諸生約法六條刻先正大家文頒為程式轉陝西布政司參議絳吏議事白授西寧道夷民畏懷康熙四年致仕歸里以湖

松江府志

卷五十六

古今人傳八

一

濱漁蕩捐青浦縣學宮安茂倜儻有才略詞藻絕工下筆數千言又能馬上擊劍彎弧稱文武才嘗慨學宮禮制未備親為考訂凡儀尊簫舞釋菜登降之儀繪圖刻成名曰判宮禮學全書卒年六十二

魯志參妻志青浦志

宋徵輿字轅文華亭人順治四年進士授刑部江西司主事晉員外郎中出為福建布政使右參議兼按察司僉事提督學政內擢尚寶卿歷宗人府府丞久之晉左副都御史卒年五十徵輿稱雅才工詩賦與同里陳子龍李雯稱雲閒三子子龍負盛名於時稱詩無所讓獨推重徵輿以為出己上嘗共選明詩行世學者宗之著

有林屋詩鈔祭酒吳偉業為之序子祖年負雋譽蚤卒

奉賢志

曹垂璨字天琪上海人順治四年進士出宰藁城遂安有惠政歸田後手不釋卷癸巳海島張名振犯上海總兵王某謂邑中通寇禍且不測垂璨率諸紳士請於撫軍願以百口保良善合邑賴之康熙癸亥與修邑志著有明志堂全集

上海志

諸舜發字元升青浦人順治四年進士授戶部主事董蘆政以廉幹聞擢陝西提學僉事以疾卒於綏德州署

青浦志

松江府志

卷五十六

古今人傳八

二

徐鼎字子久華亭人順治四年進士授麻城令時姜瓖金聲桓並反全楚震動奸民乘機倡亂攻麻城鼎授兵登陴城中多僧道上官疑其通賊令除之鼎力爭不可即用以守僧道感奮用命晝夜徼循屢攻屢卻時黃屬五城皆陷而麻城獨存鼎之力也方擬卓薦尋以支庫銀充餉降級調用遂不復出

奉賢志

田茂遇字楫公青浦人順治五年舉人授新城令不赴後以博學鴻儒徵不遇歸茂遇少游夏瑗公之門詩文為當世所重有俠槩重聲氣同郡顧開雍游雍坐病失期有司卻其藉因留燕市茂遇聞之單騎走淮上請於

平使者言開雍實病狀得給書專請齋糧往返不遠千里人高其義晚年移居泖濱訪趙松雪楊鐵崖故址築水西草堂日與名流飲酒賦詩猶見前輩高致著有大雅堂集水西四十九種行世

青浦志
參舊志

周茂源字宿來華亭人順治六年進士授刑部主事轉郎中卹刑河南平反冤獄以千計出爲處州府知府郡在萬山之中徑路險隘諸亡命深匿兵騎不能入茂源募民開鑿自括蒼至東甌計三百五十餘里悉成坦塗時戶口彫劫茂源招集流移人給牛種墾田一千八百頃有奇寇入緡雲率鄉兵千餘奮擊賊宵遁十五年海

松江府志

卷五十六

古今人傳八

三

鯨犯甌率兵固守青田賊不能犯後以逋賦牽連罷歸年六十卒茂源在幾社中與其姪立勳並負重望爲文沈博絕麗詩詞清逸有大歷之風著有鶴靜堂文集

奉賢志
參浙
江通志

袁國梓字丹叔華亭人順治六年進士授刑部主事陞員外郎中出知衢州府時劇盜林文等嘯聚山谷上官命督兵剿之殲其魁餘黨悉就撫尋以母老乞歸母亡服闋補平陽府知府國梓勤於吏治文書片語裁決胥中肯綮勘出絳州無產之稅申請豁免代償太平令何煒然逋欠庫銀平反鄉寧諸生任宏贊一案開釋大辟

與眾會以事解任起補嘉興府知府甫下車卽捐俸修輯府志時有纂修

大清一統志之役上官檄府州縣各以其志上之部限急迫而嘉興應之獨早上官嘉歎焉以疾卒於任

華亭志
參山西
志

許纘曾字孝修婁縣人樂善曾孫順治六年進士由庶吉士遷中允以才堪外任轉江西驛鹽道理郵政除蠶蠹商民便之改川東道時寇孽未殄從征萬川及取大昌皆有功擢河南按察使以事罷起復補雲南按察使乞終養歸著有寶綸堂集

婁志

松江府志

卷五十六

古今人傳八

四

王廣心字伊人華亭人嗣響曾孫也方總帥卽發憤讀書經史之學靡弗貫穿夏考功允彝賞其文曰鉅麗絕代吾不及也順治六年成進士授行人遷兵部武選司主事授御史篆巡視京東二倉漕政自明季以來吏役窟穴其中浮冒侵欺之弊積久難除廣心上言水次多一人則地方多一需索交納多一役則丁弁多一打點使嚴行裁汰

朝廷歲省俸薪工食以萬計南北軍民歲省勒詐侵漁不知幾十萬也前後條奏不下三十餘疏由是蠹弊肅清運弁皆有餘羨以完積空又修築通會河運道輸輓無

阻以親老乞歸卒年八十一累贈大學士光祿大夫崇

祀鄉賢

華亭志

陸振芬字令遠青浦人少與兄振英俱知名振英由拔貢生官英德縣知縣振芬順治六年進士時兩粵未定破格用才擢授廣東惠潮道僉事隨大軍進討諸郡邑以次削平抵任後招流亡省徭役民大和癸巳四月潮州總兵郝尙久作亂圍道署振芬密遣家人齎蠟丸請兵剿賊尙久伏誅尋引疾歸卒

雙志

朱紹鳳字儀聖上海人父雲昇純謹篤實紹鳳成順治六年進士除山西臨縣擢授吏科給事中再遷禮科都

松江府志

卷五十六

古今人傳八

五

給事時江南漕事大壞初按臣秦世禎題請官收官兌每糧百石加米五石銀五兩以爲兌軍之費其後遂成虛設民間所費百石至數十金紹鳳上疏極言其弊請申明舊制而於五兩之外復加五兩著爲定例此外軍有勒索官有增科皆以三尺從事勿貸會御史馬騰陞亦力爲振刷得

旨允行又定主將連坐之法以肅軍政請復兩試以宏樂育所言皆關政體十六年會推總漕某紹鳳昌言不可又上疏言周亮工保障閩疆有功案宜速結謫建寧司獄又以他案被誣見逮比得白尋卒有疏稿浣花窩詩

集南雁

志

王鏗字錢壽華亭人通籍後復姓何順治六年進士知雒都縣時峒寇跳梁鏗撫馭有方民無兵擾捐俸修文廟學使者趙函乙撰記勒石丁母憂服闋補博興洊任三日適小清河決鳩工埽築七日而隄工竣田廬無恙是年分校秋闈以事註誤回籍康熙十四年有

旨開復以親老辭年七十四卒

沈荃字貞葵華亭人青浦籍幼孤事母至孝順治九年進士

賜第三人及第授國史院編修出爲河南按察副使是

松江府志

卷五十六

古今人傳八

六

時羣盜董添祿牛光天聚衆千餘鈔略許頗閒勢張甚荃整卒伍懸購賞嚴軍令遣中軍王福爲前鋒而身督勁兵繼之殲其渠餘賊解散禹州多盜荃遣吏卒收捕悉按誅之以監司入

覲疏稱彰德養馬病民及禹州糧應分上下等皆中利弊得

旨報可康熙元年丁憂服除補通薊道以事註誤謫寧波同知未赴任

召見特旨復正四品仍入翰林補侍講十一年典試兩浙未還轉侍讀擢國子監祭酒晉詹事加禮部侍郎疏言

青宮在豫養并霍韜聖功十三圖進之未幾復疏列出
閣四事皆報聞故事詹事得與會議荃於民生利弊時
政得失剴切詳言略無瞻徇十八年旱

詔求直言時定新例當流者徒烏喇極北以實邊廷臣集
議荃謂烏喇距蒙古三四千里地不毛極寒牛羊橐駝
凍輒死罪不至死者不應驅之死地為議上之

詔令畫一荃堅持前議曰此議行三日不兩臣願受欺罔
罪

上改容納之越二日大雨盈尺例竟罷荃在大梁修河南
通志既成上之後十餘年

松江府志 卷五十六 古今人傳八 七

詔天下郡縣修志一以河南為法康熙二十三年卒年六
十一諡文恪荃以書名海內被

聖祖仁皇帝特達之遇殿庭屏障以及
御座箴銘皆屬荃書著有充齋集

青浦志

李憐字素心華亭人父沾官左都御史憐幼聰穎異常
兒弱冠舉於鄉嘗從父官閩中有投牒欲糴米鄰邑者
沾許給照憐持不可曰此奸民欲通番者得照則公然
為矣沾不聽索印印照憐匿其印沾怒然事卒不行未
幾而他邑有通番事敗者令以給牒被議人服其識願
治九年成進士

殿試二甲第一授吏部主事以僉事督學河南試汝寧一
縣令欲有所關說懷金以進憐拒之嘗於同官處見某
生文驚曰有此才何試時未見邪答曰此生丁艱今歲
場期不能及矣憐詢其服闋之期曰八月初七憐曰可
語之令其初五六至省我必送之入闈已而入試遂連
捷丁內艱服闋補湖廣上江防道駐岳州始至城中僅
茅屋數椽居月餘登樓見有造瓦房者憐色喜一日有
於文廟後宅土者諸生訟之則即瓦房中人也憐曰今
此呈一下府府行縣縣則委衙勘覆事止不應結案而
瓦房將不保矣乃出一示自後不許於文廟取土而其

松江府志 卷五十六 古今人傳八 八

事遂竟他愛士惜民類如此以疾卒於官

卷

顧大申字震雉華亭人初名鏞順治九年進士授工部
主事督江寧蘆政分司夏鎮河道夏鎮無城郭大申用
公費為焚築之需不事科斂城成屹然為鎮永利建兩
湖書院捐俸延師弦誦日廣十六年己亥海寇犯金陵
大兵南下自德州東昌以南率夫挽至董家口始釋時值
水荒人煙斷絕餓殍無算大申捐俸每三十人給一舟
并路費所活數千人以奏銷案註誤左遷順天府通判
丁內艱服闋上書自理

詔復其官庚戌吳越水災大申言宜濬三江故道條為十

二則後濬襄江吳松江皆用其議癸丑出為陝西洮岷道僉事卒於官著鶴巢詩河渠書十八卷畫廬八卷子輔之中書舍人

志

施維翰字及甫上海人順治九年進士除臨江推官擢兵部主事歷官御史前後章奏如復耕籍減浮糧緩開徵定編審除塘長曠工禁漕米耗羨懲監司之貪嚴大帥之縱簡投誠之兵伸言路之氣飭官吏侵牟戒營弁羅織皆關大體多議行康熙八年掌京畿道請減蘇松浮糧劾偏沅撫周召南閩督劉斗浙撫陳秉直罷之為副都御史請嚴督撫薦舉非人照例實降不准抵銷十松江府志

卷五十六

古今人傳八

九

八年巡撫山東黜貪墨輯悍兵勸墾闢禁耗羨歲饑親行所屬設法賑濟疏留漕米五萬石全活無算舉廉吏陳文學周根邵等俱擢臺諫案牘皆親自裁決不假他手二十一年總督浙江前督參滿軍鼓譟事株繫二百餘人維翰至即日會讞多平反明年調任福建總督諭領而卒

予祭葬

賜諡清惠崇祀鄉賢並建特祠

上海志參朱德宜撰墓志

李延渠字方思華亭人順治九年進士授南寧府推官用法稱平以奏銷案註誤降香山縣丞香山官吏多受

海舶賄賂事發盡罷斥獨延渠留屢攝縣篆不受請託不名一錢以疾卒於官

奉賢志

曹爾堪字子顧婁縣人嘉善籍勳子順治九年進士選庶吉士博覽強記能舉原委與圖要害山川形勢指畫纖悉聽者神聳歷陞侍講學士屢蒙

聖祖仁皇帝嘉寵有學問最優之語罷歸偕二三老友選勝賦詩與宋琬施閏章王士正王士禛汪琬程可則同郡沈荃稱海內八家有南溪集行世子鑑平鑑臨有傳

嘉善志

張淵懿字硯銘華亭人順治十一年順天舉人以奏銷

松江府志

卷五十六

古今人傳八

十

案黜與田茂遇馮个臣輩為忘形交著有臨流詩雜鵲初集

青浦志參松江詩鈔

陶憐字冰修華亭人嘉善籍順治十一年舉人官天台教諭卒於任性傲岸後學日進彌自謙挹其在里中倡興詩會刊有棠溪詩選行世兄監之字聖從與憐齊名先憐卒

董含感舊集

王日藻字印周華亭人陞孫幼孤母徐撫育之順治十二年成進士授工部主事出掌江寧蘆政分司呂梁自彭城下至安東河流效順報最速員外郎陞郎中尋為江西提學僉事丁內艱服闋補河南河道以轉餉功陞

浙江按察使旋擢江西布政使晉副都御史巡撫河南先後上疏論改折捐糧賑飢平獄定鹽引免堡課諸事皆一一施行又請墾荒田四十四萬餘頃悉成沃壤至今賴之旋擢刑戶兩部侍郎拜工部尚書遷戶部充纂修賦役全書總裁以事落職康熙三十八年

上南巡召見勞問

賜御書褒賞有加旋以永定河工起用卒於工所

詔復原秩

妻志

張錫懌字越九上海人元圮孫順治十二年進士授泰安州牧州有捨身崖愚民惑所謂報嫌恩者往往投其

松江府志

卷五十六

古今人傳八

士

中甫視事即禁止廣學舍減香稅清逃人復四氏學會分校秋闈被議歸癸巳海警或倡游言閩邑將罹不測以錫懌抗辨得免語在曹垂璫傳中康熙七年議塞界河三處防海軍及支河錫懌力言其害川沙南匯歲派修城費鉅民苦之廉知營成爲奸利白當事免之疾革故人大名推官陳朗哭曰吾貧賴子以活子死誰殯我者即命孫家爽出篋中金贈之詩詞爲當世所重家爽字荀六康熙乙酉副榜官蕭縣教諭以植行聞

上海志

陸鳴珂字曾庵上海人起鳳子順治十二年進士初任揚州教授以奏銷罷起補常州疾交游聲氣訓士以器

議爲先轉國子監監丞累遷至戶部郎中一典四川鄉試三充會試同考官出爲山東按察司僉事提督學道均稱得士分修高堰河工踰年以布政司參議致仕鳴珂天分過人屬文不立草性恬淡與物無所爭弟鳴球字文中尤以儒宗自任闢二氏甚力博辨宏偉日事編纂有所感發一寄之於詩平生以存孤植寡爲志嘗有句云欲了一生難了事先完三族未完姻與鳴珂稱二難云

陸氏家傳

夏長泰字季保華亭人父嘉遇前有傳長泰順治十二年進士授文水令輕刑緩徵得士民心擢刑部主事請

松江府志

卷五十六

古今人傳八

十二

假歸布素蕭然會蘇松撫臣議築隄捍海推長泰廉幹

請視工事以勞瘁卒

嘉善志

張有光字星燦青浦人父驊以恩貢授新寧令不赴卒

有光苦志力學順治十二年成進士授工部營繕司主

事時崇建

奉先殿有光爲監督朝夕虔謹工匠中老弱羸病悉放還

工食親自給發

告祀禮成

賜緞馬獎勵有加出推荊州鈔關商船隨到隨報令自填流水簿以絕包攬壅滯之弊陞都水司員外郎授山東

南旺河道以奏銷案鐫秩歸徜徉山水二十餘年卒年

七十五

青浦志

王之明字敬章本姓程青浦人順治十二年成進士選縣令不赴十七年任安慶府教授卒於官之明家極貧弱冠卽爲童子師時值兵火後人多廢學之明獨刻意攻苦爲文自成一家

張一鶴字友鴻婁縣人居朱涇順治十五年進士授雲南推官有治績歸後建宗祠教子弟以品學重詩文雄深壯健有磨盾橫槊之風與新城王阮亭中州彭而述倡和尤工山水得宋元人筆意子起麟自有傳

金山志參帶經

松江府志

卷五十六

古今人傳八

三

集

朱錦字天襄上海人居周浦永泰孫順治十六年會元選庶吉士爲諸生時以文章雄視儕偶辛丑充禮闈同考得人最盛旋以母老乞歸初錦公車將北上里中貧民有鬻其未婚婦於妓家者錦急贈金贖之或謂如資斧何錦曰我行可少緩此女一去卽墮落矣生平淡於進取而砥礪名節遠近宗仰著有藝照堂集卒年五十四弟鐸字拂鐘資敏尤邃於古喜賓客好吟詠先錦卒

上海志

董含字閻石華亭人順治十八年進士少好學至忘寢

食比長有文名嘗與海內名流扁舟車笠往來吳山越

水間觀政吏部以奏銷案被黜益放情詩酒著有古樂

府閔離草閒居稿弟俞字蒼水十七年舉人詩文與含

齊名時稱二董嘗薦舉博學鴻儒不遇著有樗亭稿俞

子溶字晴川諸生有才名早卒

松江詩鈔

宋慶遠字源餘婁縣人順治十八年進士授大理寺評事未第時嘗偕同人結振幾振雅二社詩文爲一時之冠後以奏銷案落職康熙四十九年

特恩復原官時年七十四越明年卒

婁志

王又汧字孝西婁縣人順治十八年進士授福建平和

松江府志

卷五十六

古今人傳八

四

令時海氛未靖縣在萬山中多盜又汧嚴屯軍置守備

飭保甲盜不敢犯歷官德安府知府引疾歸

婁志

趙子瞻字半眉上海人幼孤有成人之量及長力學通

經史旁及天文地理諸書順治十四年領鄉薦因主試

被論戊戌己亥春兩蒙

世祖章皇帝臨軒覆試自制舉義外雜試詩賦論序表策

頌記辨說數篇拔置上卷十八年成進士

殿試二甲四名例授推官坐公事免閉門課子以詩畫自

娛著有詩集四卷詞一卷行世

上海志

葉映榴字丙霞上海人有聲子順治十八年進士授庶

吉士轉禮部郎康熙十四年權贛關值吳逆亂守險要撫流民虔南賴以保障二十四年授湖北糧道會裁總督缺并裁督標兵楚兵素剽悍有夏逢龍者尤桀黠軍中號爲夏包子衆推奉之裁撤下兵卒洶洶無所歸向求巡撫給月糧不得遂聚謀山中將爲亂武昌同知某倡議捕賊衆愈怒露刃入轅門映榴急入請好言撫之巡撫出衆不遜詈曰若欲反邪衆噉然曰反耳柰何逐巡撫撫逸去映榴冒刃前諭以朝廷威德不應擁歸逼從瞋目叱之欲奪刀自刎賊大呼曰殺好官不祥以兵環之巡撫既遁餘或亡或降賊勢大振映榴困孤城中

松江府志

卷五十六 古今人傳八

五

誓一死念老母無所託顧其妻陳淑人曰以付若遂令陳奉母易服從水關遁出曰我乃今可以死矣卽縊遺疏北向九叩南向再拜升公座罵賊自刎瞋目良久然後瞑賊大驚羅拜而去疏聞

上震悼贈工部右侍郎

予祭葬廕一子明年

南巡

御書忠節以諡之今祀忠義祠子勇孫鳳毛自有傳

上海

詳南
匯志

諸嗣郢字乾一青浦人師事徐方廣受制舉業陳

董其昌見之目爲神駒順治十八年進士未

殿試通糧案起被斥嗣郢秉尚幽貞夙有買山之願既錮廢益耽泉石九峯閒各有營建歲以上巳重陽招賢士大夫游且以祀張翰二陸顧野王張之象諸賢與其會者人以爲登仙時陸振芬周茂源謝官歸皆築室山中往來過訪觴詠無閒又嘗與昆山葉方謁善約共隱方謁字子吉號初庵嗣郢築吉亭初齋以招之又緘寄當歸以果其約康熙二十一年方謁卒於京師未幾嗣郢亦沒年五十九嘗與嘉興父丹生撰九峯志未成修青浦志復爲他人所亂

青浦志

松江府志

卷五十六 古今人傳八

六

李雯字舒章上海人逢申子爲諸生與陳子龍夏允彝齊名逢申死聞難雯在邸舍聞難絮血行乞朝夕哭不絕聲氣息奄奄然守父棺不他徙五月初一日

王師入京城內院諸大臣憐雯孝且奇其才薦授宏文院撰文中書舍人世傳

國初時高文典冊成出其手乙酉充順天鄉試同考官丙

戌請於

朝以父喪歸葬旋卒著有夢齋集五十二卷

妻志參修
社事本末

張安豫字子建華亭人父以訥前有傳安豫明季由恩

貢生遷齊河縣丞以平龍山賊有功擢齊河縣知縣遷

保定府同知時舉烽日近關城戒嚴安豫悉力固守
遼經略王永吉知其才舉以自隨題授兵部職方司員
外郎兼戶部事督理軍餉蒞鎮兵譁安豫諭以大義咸
搏額歸伍

王師入關隨征殺賊二年乙酉

詔兵部尚書王鼐永招撫山東以安豫威信素著薦授清
軍右布政兼理監軍事降人不法安豫誅首事者左遷
金華府知府時婺城初下民情畔疑安豫設法招來戢
暴兵嚴告計蠲免力役民獲蘇息越明年歲大祲多方
賑濟全活無算郡庠燬於兵鳩工重建通濟橋爲括蒼

松江府志

卷五十六

古今人傳八

七

太末孔道以兵燹廢修復之又造營房築石壩嚴保甲
備儲峙以濟征閩

大兵治行推第一擢分守嘉湖道失上官意絀吏議士民
倍道走三衢訟冤事白補長蘆鹽運分司以忤驍使拂
袖歸卒年五十六

魯志參浙
江通志

宋徵璧字尙木華亭人懋澄子初在幾社中名存楠崇
禎十六年進士授中書充翰林院經筵展書官奉差督
催蘇松四府柴薪銀兩未復命以國變歸里入

國朝以薦授祕書院撰文中書舍人舟山之役從征有功
轉禮部祠祭司員外陞本部精膳司郎中出知潮州府

卒徵璧鴻才麗藻與從弟徵輿有大小宋之目當明崇
禎時與宛平王崇簡諸人互相倡和同里夏允彝陳子
龍並重之著有抱真堂集吳祭酒偉業序之

奉賢志

莫琛字人玉華亭人天洪孫明諸生工詩善書尤明掌
故徧游四方爲幕府司奏議延請無虛日然雅非其意
洪經略特疏薦之固辭後以功貢官辰州府教授卒
張世榮字豈名婁縣人安恭子順治元年以諸生貢入
太學授山東濟南府推官歷同知治中所至著稱擢兵
馬司指揮遷刑部主事晉員外郎司秋讞多平反西曹
倚以爲重轉戶部浙江司授山西布政司參議整飭雁

松江府志

卷五十六

古今人傳八

大

平道約己愛民革餽遺絕迎送持法詳慎爲守令先尋
告歸卒

王鍾毅字遠生婁縣人幼爲徐比部鴻洲所器重妻以
女孫未冠爲諸生餽於庠力求有用之學讀書敦行游
其門者如張安茂起麟先後捷南宮而鍾毅屢薦不售
晚以恩貢需次爲學官

婁志

陸璘字公敘華亭人應寅曾孫少與從子亮輔齊名亮
輔成進士而璘兩中副榜訖不遇以貢選授廣東四會
縣知縣四會依山阻水劇盜李春光等據爲巢穴統衆
犯境璘乘其悉出遣土兵從閒道深入扼其背賊歸路

已遂潰散未幾土寇羅勝統劫陽春新興兩縣庫走清遠縣之秦王山憑阻作亂白晝焚掠上官檄鎮將協剿以璘在四會有討賊功檄爲監軍鎮將用璘計平賊尋以奏銷一案罷官著有遺安堂集

奉賢志

喬世埴字子方上海人年十三補博士弟子員當湖呂濬襄陽方岳貢咸甄異之喜詩文好賓客在幾社中聲望蔚起九試不第卜築西郊名其園曰秋爽順治中由明經

廷對未授官卒著有玉版陽秋十卷燕喜堂稿初蘭草行世

上海志

松江府志

卷五十六

古今人傳八

九

沈紹賓字廷作華亭人學士梁九世孫由明經官青陽訓導博學工詩古文藏書五萬卷皆手自評閱青陽教樸少文紹賓至期會講習士遂斐然向學年七十四卒著有月澗山房稿

金山志

周心紀字永瞻婁縣人順治十四年歲貢留心性命之學與平湖陸贈公安最厚清獻總角時永瞻知爲德器後以役累僑居嘉善邑人爭師事焉著四書斷清獻爲序讀易斷疑藏於家子梁字好生少穎異以五經補博士弟子員厲志學行與清獻往復辨難多所發明

金山志

吳定字澹庵上海人順治五年貢生除澄江令時邑盜

充斥積通山積九年十易官定以德化民計擒賊首勸農墾荒建水東書院延師課士攝韓城邵陽俱有惠政在澄十一載遷行人四爲

詔使擢刑部主事校正律令出督夏鎮河道增築河隄三百餘丈上官稱其廉幹假歸杜門著書周貧乏設義渡人咸感之輯有河渠志子開封大理府同知子臧官知縣

上海志

顧開雍字偉南婁縣人諸生順治八年貢入太學開雍軀幹奇偉美鬚髯性和易詩文峭刻尤長五言古及漢魏樂府在幾社中推祭酒同時諸名流以次登科第開

松江府志

卷五十六

古今人傳八

二十

雍獨以文學終嘗一游燕市旋以病歸結廬谷水之陽杜門卻掃著述自娛書法古勁爲時所重

婁志

杜登春字九高婁縣人青浦籍麟徵子順治八年選貢由翰林院孔目授山西廣昌縣知縣縣舊例五年一審丁官視爲利藪登春潔己從事民大悅陞浙江處州同知卒於官登春少與夏存古徐度遠顧子韶王后張均有聖童之目所著社事本末及江東耆舊傳均可備郡中掌故兄同春字子曠甲春字端成立有聲幾社中

參漱芳齋詩話

王雲字勝時原名溥字大來婁縣人幼爲陳子龍弟子

處師生患難時卓然有東漢節義風以諸生貢入成均
不得志縱游齊梁楚粵晚歸老康園著有輞川稿子世
稷字有相以貢生爲安東訓導移字萼華諸生皆世其

學集志

閔峻字山紆其先烏程人十世祖遷居東海上遂爲荀
里望族峻少孤母徐教育之高才博學采秀無雙同郡
周立勳太倉張溥咸折輩行與交入

國朝以貢選授盧龍令廉明仁愛五年有十異政邑民樹
碑頌德擢職方司主事尋權領南稅務以廉慎稱使還
便假歸里謝絕塵鞅不以片紙謁當事撫卹宗族並有

松江府志

卷五十六

古今人傳八

三

恩紀著有照海堂集兵法觀略東華集評選吳越二十
家共若干卷行世卒年六十七子璠貢生璋康熙乙卯
舉人

錄山堂集參南隱志

張天培佚其字上海人順治八年恩貢選韓城縣丞康
熙乙卯二月守將李師膺殺令翟世琪據城叛天培時
解蜀餉歸聞變疾馳抵縣賊環刃脅之不屈以計給賊
出城乘間請救兵至乃解韓人德之後遷平遠令其從
父積祥字芥舟才氣恢詭著述甚富年八十餘卒瞿穀
倬以詩曰雄視八十載著述誰云匹觀其搖筆時後進
皆惕息云

上海志

胡竹字婉珠華亭人與幾社諸人游有盛名中北閭副
榜素業貞確以詩酒自娛古今體俱超出流輩與侍御
王廣心爲文字交人謂其才品亦相埒云

金山志

茅起翔字旦弋金山衛人有聲幾社中與盧元昌等操
選政者四十年一時知名之士羣相引重晚歲築奇松
閣讀書以終其身當時文社中有茅沈胡盧之目沈謂
子凡胡謂婉珠盧謂文子茅則旦弋也

金山衛志參華亭志

宋弼字采臣華亭人居青村港高才宿學以歲貢生授
高苑令縣多奸民爲地方害弼執其尤桀驁者杖殺之
餘皆斂迹民貧逋賦累繫敲扑至死不能償弼憫之捐

松江府志

卷五十六

古今人傳八

三

俸代逋檄攝益都復以最聞以憂歸弟際字義修
瀛其婦翁也工詩文孔上公署爲司樂與弟簡巨纂
里廣志以呈冀尙書芝麓尙書賞之志遂行世王光承
尤稱其詩

奉賢志

張世維字我持婁縣人安豫子嘗佐安豫平龍山賊隨
往山東招撫駐濟南時士大夫家屬及商賈集濟上不
得進退者數萬人且不得食世維急請檄衛遂率步騎
三百從賊中防護悉下淮泗齊魯間人奇之呼爲鐵膽
張公子後在京口王將軍之鼎幕府鄭成功入寇之鼎
賴其贊畫以勞得疾歸世維天性孝友赴義若熱工詩

古文詞以歲貢注選訓導年五十六卒弟士紳字臨武初名世紳游北雍改今名順治十四年舉人儻負才安豫守齊河士紳相隨捍禦入

國朝又佐其父監東省軍後屢擢春官需次知縣未及官

卒

東海家傳

張宸字青瑀上海人博學工詩文由諸生入太學選中書舍人時

端敬皇后升遐

上命詞臣擬撰祭文三奏草而

上不憚最後屬宸有云渺茲五夜之箴永巷之聞何日去

松江府志

卷五十六

古今人傳八

三

吾十臣之佐邑姜之後誰人

上覽之泣然稱善尋遷兵部督捕主事康熙六年求直言宸疏請撤本邑客兵二千四百人并巡海章京以蘇民困邑用安堵旋罷歸病卒有蘆浦莊詩北征使粵草行於世

上海志

沈沐字雨臣上海人順治十七年副榜窮經稽古浸徒自給其著錄弟子如朱鑑高廷亮趙炎輩百餘人多知名士卒私謚貞素先生焦徵士袁熹贊其像曰貌之臞神之腴文之富道之餘無營無欲乘太虛嗜義奮勇賁育諸人世富貴浮雲如謠以貞素讓不誣

南匯志

楊王猶字成侯晏縣人歲貢生與兄桓互為師友陳黃門夏考功俱器重之閉戶著述年八十一卒子斗芬字南楚華亭廩生

金山志

張安泰字康侯婁縣人孝子以訥第三子善屬文中年以諸生入太學遂棄舉業刻意為詩兼工山水築室皇甫林南曰鷗室內行純篤郡舉鄉飲賓次子世璘令關中就養官廨一年即歸田母以晨昏累吏治或致簋簠不飭也世璘字孝節順治六年選貢授陝西靈臺縣治尚寬靜以廉節聞丁父憂歸不復出

王承庚字丕祐上海人居航頭由順治五年副榜授朝

松江府志

卷五十六

古今人傳八

四

邑令有惠政尋遷滄州知州性耿介不欺暗室事親色養兄弟白首怡怡沒祀鄉賢子輅歲貢生官望江縣教諭

上海志

彭賓字燕又華亭人前明崇禎庚午舉人入

國朝選授汝寧府推官為周端臣屬吏仍以舊時名紙投之端臣怒因免歸賓在幾社中為王申文選六子之一杜方伯喬林延課其子騏徵駿徵晚歲授徒與門下講論文藝疊疊不倦猶見先正典型初賓祖汝讓居郡西金沙灘有春藻堂隆萬間與同人結文會明季陳夏主盟風雅燕又與其兄彥昭卜居披雲門外濯錦巷仍移

清額署之是為幾社諸君子高會處子師度字古晉年十五卽席成虎邱夜宴序吳梅村謂與吳兆騫陳維崧為江左三鳳云

松江詩鈔

顧其言字公綸上海人居所城前明崇禎進士知香山縣署順德時流寇震詔連羣情扇亂賊駕百餘艘出入香順閒鈔略其言謀知圍城期陰部署謂父老曰賊攻城必先窺城窺城者某也出不意禽之賊不敢動矣某蓋指大俠梁碩卿賊奉為渠帥者也果就縛城下乃引兵疾馳至古鎮民皆甲而出其言曰今所欲得者何禮孟諸人也餘無恐民大喜釋戈縛其魁以獻復引兵趨

松江府志

卷五十六

古今人傳八

三

旗羣澳賊方聲援順德不虞卒至悉驚竄斬獲五百人賊遂平是役也其言廉知賊姓名疏記之故就戮無一枉者擢工科給事中以憂歸入

國朝薦補陝西布政司都事尋乞休卒年七十八

南隴志

朱在鎬字周望上海人明工部主事長世子由孝廉任廣信推官稱賢能嘗以金三千分贈貧交之不克葬其親者宦橐蕭然日與曹垂璫張錫懌諸人以詩詞倡酬

壻王顥有文名

上海志

吳欽章字含文華亭人前明崇禎舉人父嘉允殉節金陵欽章扶柩渡江中夜風雨大作鄰船覆溺欽章所乘

舟飄至一洲獲免人謂孝感所致少有經濟才山左李侯復興知婁縣建議均田均役欽章佐其成後復興卒於官欽章經紀其喪年八十二卒鄉人私謚貞定先生

附白龍潭李公祠

婁志

錢世貴字聖旂華亭人居高橋前明崇禎進士知諸暨縣有政聲改國子監博士入

國朝杜門不出先是泣海竈戶人給柴蕩二畝半不取其稅唯納丁銀若干其後海灘漸廣向時一二畝者多至數十百畝墾為良田皆蒙柴蕩之名而不入縣籍無賦稅竈戶稍長不一上者買柴蕩數千畝最下者無立錐

松江府志

卷五十六

古今人傳八

美

然丁銀則視舊籍無所增減貧人或逃竄遠去丁課不登康熙中世貴言於巡按馮某計田起科以當丁銀於是民無逃亡丁無補課各場便之前明稅政遂絕子愷諸生有名吳騏為之立傳

吳騏集

陸慶臻字集生青浦人文定曾孫前明崇禎舉人有聲幾社中

國朝以詩文雄長東南家貧兩親未葬嘗泣然曰吾安得一笏之田以安吾親體魄乎萊陽宋琬為賦笏田行學者稱為笏田先生時陸氏多才慶衍慶滋慶紹慶源慶恆慶裕慶曾其尤著者以慶臻為最

青浦志參安雅堂詩文集

林希顥字式齋華亭人明貢生博學敦行前明庚午姚文襄典試北闈欲得希顥爲首希顥遂不與試機山相國被逮或謂其與東江有私憾殺之以其事餽希顥希顥正言拒之相國文震孟聞之曰可謂君子矣生平於學無所不究手錄經史要略朝章典故又復殫稽天地以及星緯樂律著書五百餘篇晚經世變靜默自守嘗以理數推擇日辰鑄鏡一圓落漁人手質錢於張澤市中市人置諸室暮夜有光意中有寶槌而碎之則皆水也張憲副安茂至一寺見懸鏡光彩奪目詢之曰此希顥所鑄每日鏡必有聲人始服其學順治八年卒門人

松江府志

卷五十六

古今人傳八

三

私諡貞文先生

志

王元一字默公華亭人明諸生少與杜麟徵師事張宗伯鼎爲入室弟子素履恢奇古文詞稱作者陳黃門子龍出其門王申文選之刻與宋存標共事郡人古學復

興蓋由元一云

社事本末

宋存標字子建華亭人堯武孫明崇禎十五年副貢注選翰林孔目甲申後隱居東田嘗作西北祠以祀列代忠烈生平以揚扆風雅爲事刻幾社古文爲王申文選者有棟蓐新詞國策本論十六卷子思玉字楚鳴思宏字漢驚竝聰穎絕人以諸生終

奉賢志參松江詩鈔

張密字子退華亭人明貢生官兵部司務以兄寬偕陳子龍殉節遂終身棲隱後游滇中送徐闇公子孝先扶視歸里生平著述今散佚不存

雲間詩鈔

邵梅芬字景悅青浦人工詩初受知於知府方岳貢爲諸生時與張宮王澐同受業於陳大樽之門詩益進順治二年卒夏存古有詩哭之著有青門集

青浦志

王廷宰字鹿柴華亭人嘉興籍貢生官六安教諭遷沉江令福王立嘗一至金陵見時事不可爲卽歸後隱居

張堰自號毘翁著有畫鏡及緯蕭齋集

明詩綜

孫逸字中麓青浦人讀書不求仕進喜爲詩順治庚子

松江府志

卷五十六

古今人傳八

三

卒繆侍講形表其墓曰青溪有隱君子其志立而正言確而厲其書無所不讀而風致豪爽望若神仙子朝字元賓明諸生先逸卒包爾庚嘗序其集亦博洽好古者

蕭中素名詩以字行又號芷崖華亭人工詩文善書畫精音律隱於匠嘗曰吾匠氏也衣食足以自給詩酒足以自娛絲竹丹青足以悅耳目高賢良友不遠千里而至人生之樂莫踰於此矣達官長者投以篇什俱不報蓋呂微之朱百年之流著有釋柯集南村詩稿

南集

通志參金谿峴

王應麟字允錫華亭人父嗣壽前有傳應麟前明天啓
甲子武舉工詩入

國朝通迹亭林寶雲寺嘗以紗幘首用瓦罐煮食人多稱
爲紗裏頭老人晚年與蕭正崖談詩相得正崖詩以懷
之有一褐常露肘十年常病醒之句康熙丙辰卒詩鈔
盛國芳字香樾華亭人明諸生甲申正月入京獻策言
殄寇事不報遇變南歸隱於農圃曾倣宋時王鴻漸野
菜譜作老圃志詩鈔

王景曦字子萬上海人於餘姚王氏爲疏族以勳戚子
姪就錦衣衛試中崇禎十五年武舉選左所千戶時疆

松江府志

卷五十六

古今人傳八

三

圍日蹙請墾海中大瞿山爲屯田與御史時敏偕會明
亡事罷奉母終其身子貞儒諸生弟某字子實母病割
乳旁肉療之早卒上海志

顧在觀字觀生華亭人明諸生博覽經史陳繼儒見其
史選曰神明識量不可及也因推鳳凰山來儀堂以居
之時楊文驄爲府學教授命子師事焉後馬士英辟置
幕府嘗以近昵懷寧羣情致憾語士英及士英輔政方
欲起用老成而大絀欲以一網盡之在觀又語士英曰
如大絀之才智加以十七年傷心次骨之怨使其一旦
得志爲所欲爲必不顧其後此事關公門戶亦千萬世

所談所繫且以告士英子鑒鑒幾諫至涕泣隨之其時
不至起同文黨錮之禍者在觀力也後知事不可爲卽
告歸磽田二頃力耕自給以通賦失產窮死春融堂集

趙洞字希遠華亭人明諸生博學能文董其昌王時敏
皆折節下之福王時楊文驄作書招洞洞曰國事危如
累卵而君相亦姑爲樂此亡徵也作書謝之晚年以書
畫自娛移居梅花源與沈求爲友絕意進取著有盟鷗
惺園諸稿及題畫錄青浦志

倪允中字端甫青浦人幼穎異讀書通大義旣長有膂
力能兩手各握五百斤物行數百步里中惡少年憚之

松江府志

卷五十六

古今人傳八

三

性孝棄儒習賈累致千金奉父母任俠輕財與蔡長爲
莫逆交乙酉城守允中與長督所部巷戰突圍出東門
長遂下海招允中往允中歎曰吾力竭矣吾有二老在
未敢遽以身殉也遂不行隱居浦之斜徑幅巾方袍教
授生徒以終陳鼎傳

李廷昆字辰山上海人居所城初名彥貞字我生大理
評事中立子也師事同郡舉人徐孚遠爲高第弟子嘗
從孚遠入浙閩後隱於醫居平湖祐聖觀中爲道士其
卒也以書籍二千五百卷贈秀水朱彝尊彝尊爲志其
墓敘次詳盡著有放鷗齋集南吳舊話錄南匯志參

張在宥字虎侯上海人明諸生國變後嘗浮海入閩仕唐王於福州復事魯藩爲中書舍人

大兵破舟山在宥以前一日奉使普陀遂得歸居舟山時著有雜記數冊今不存

曝書亭集

顧章甫字魯斐上海人允貞子明貢生授邑丞見天下多故不欲進取以造就後學敦厲風教爲己任史可法薦入國子監固辭順治初

詔舉山林隱逸省臣檄府徵聘不起時推東南隱士之冠

松江詩鈔

張彥之字洮侯華亭人初名慤之象元孫幼與弟漢度

松江府志

卷五十六

古今人傳八

三

九荀有三張之目讀書細林山中後盡斥田宅卽細林別業亦讓其弟隱居窮巷取遺書讀之託於酒狂以自

廢著有浴日樓詩稿

松江詩鈔

董黃字律始號得仲華亭人隱居不仕著白谷山人集

陳維崧序其集云託泉石以終身殉煙霞而不返可以

得其彷彿焉

松江詩鈔

沈求字與可上海人諸生乙酉後隱居梅花源以詩文

自娛年七十五卒私諡貞慤先生著有箴言杜詩肆考

梅花集句子白字黃圃號云備子卽父所居築結繩書

屋懸父像於中晨起必拜飲食必祝終身如一日善山

水從橫疏快有別趣詩與書亦揮灑自如年七十八卒

著有楞亭稿嘉定張雲章銘其藏曰孰膠其口孰韜其

光兩世之隱百世之芳

青浦詩傳 參上海志

莫秉清字紫仙華亭人中江曾孫明諸生亂後遷居海

上幅巾道服絕意進取當事欲見之辭勿許著有采隱

集書學晉人得其家法

通志

蔣平階字大鴻明諸生年十八從陳黃門游詩文日益

有名性豪雋有古義俠風晚業堪輿精其術今言三元

法者皆宗平階

婁志

沈楫字宏濟華亭人明學士度之後弱冠補諸生經明

松江府志

卷五十六

古今人傳八

三

行修夏允彝命子完淳師事之中年屏居湖橋角家日

困乃北游燕齊名公卿咸敬禮之晚歸故里年已耄日

書千字文易錢千文爲薪水資

婁志

計南陽字子山華亭人明諸生天才俊逸工詩善書少

以文贊何職方剛剛驚異呼爲小友又謁夏考功允彝

允彝命子完淳師事之時完淳卓負才名而子山抗顏

督課不少假國變後棄諸生放浪山水閒爲詩益悲歌

慷慨既出游爲諸侯賓客然高曠不慕榮利麻司馬總

督兩江招致甚相得及歸而麻思之竟不可復召也省

中嘗薦海內名士十人擬子山第一子山手裂其稿聲